

Yungzsuij:

Bouxcoz Dauqma Ranzmbanj Cauhnieb Ndaej Canh Cienz

融水：返乡创业青年者很有“钱”途

Mungz Gojczang 1985 nienz seng, cunghconh bizyez, de gaenq dwg boux “hozlingx hau” youq ndaw singz hung bi lingx geijcib fanh maenz ngaenz haenx, de seizneix ma ranzmbanj guh densangh, gag laebguh gij binjbaiz bonjfaenh “beigyanghcunh”. Bineix geiq daih’it, de doenggvaq vangiloiz gai “hab daihlaex cieng moq” (gaeqlab、bitlab、nohlab、gyaeqsaeck daengi) 6000 lai dauq (moix dauq 68 maenz daengz 268 maenz). Riengz ngux nyied co’ ngux yaek daengz, de seizneix gaenq ndaej dinghdan haeux-faengx saek 1 fanh aen (moix aen 8 maenz), guj bineix yaek ndaej gai haeuxfaengx saek 5 fanh aen.

Ho Siujvaz 1985 nienz seng, Gvangjsih Gvangjibo Densi Dayoz hanzsou bizyez. De youq 2014 nienz 5 nyied, laeb Yungzyungz Lizcanj Dajciengx Conhyez Hozcozse, 2016 nienz 6 nyied laeb guh Ginhbenhlij Swnghdai Nungzyez Youjhan Gunghsw. Daengz seizneix, de gaenq gai ndaej byaceh 1400 lai fanh duz (gyaqcienz 350 lai fanh), linghvaih lij miz 1500 lai fanh duz byaceh gaenq miz vunz dingh lo. De dwg aen yienh neix boux daih’it yungh ndatndit ma diuz raemxraeuj ciengx bya, gij byaceh de gai daengz seiqhenz 3 aen swngj 16 aen yienh.

Siz Ciuhyangh 1987 nienz seng, Gvangjsih Cunghyihyoiz Dayoz bizyez. De youq 2014 nienz 7 nyied laebbaenz aen gunghsw “ciuhyeigyah huqbya”, bi’ gvaq de doenggvaq densangh gai lingzcih cibgeij dun (moix dun 18 fanh maenz), de lij gai mbamaenz caeuq maenzsauj daengj lai cungj lai yiengh ndaw rungh dwzcanj. Bineix de doenggvaq doengjit gai ceh, bwnh caeuq gisuz cijdauj daengj, fatdoengh 640 lai hoh (ndawde hoh gungzhoj 450 hoh) ndaem maenz 1500 moux, lij cingqcaih guh aen gunghcangj gyagoeng dujdwzcanj he.

(Gungh Siengzyouj/龚祥友)



▲Ho Siujvaz youq henz daemz gueng bya.



▲Mungz Gojczang cingq duk cug doxgaiq geiq hawj bouxcawx.



▲Siz Ciuhyangh cingq yawj gij cingzgvang dinghdan.



▲Gyoengq Vunzmbanj cingq lingx vafeiz.

Lungzswng:Nungzsw. Mbouj Aeu Cienz Bang Cingeng

龙胜：免费农资助春耕

5 nyied 4 hauh, Lungzswng Gak Cuz Swciyen Lungzeiz Cin Yozvuj Cunh gyoengq danhvei banggungz—Lungzswng Gohhez dawz fuzhozfeiz gyaqcienz dij 3 fanh lai maenz haenx soengq daengz bakdou vunzlai, fat hawj 50 lai hoh ranzmbanj mbouj aeu cienz, bang dangdieg vunzlai fazcanj bwzyanghgoj、lozhangoj daengj doenghgo canjyez daezhawj nungzsw. hoh cihciz, vih cingeng swngchcanj dwk ndei giekdaj.

(Banh Cisiengz/潘志祥)

Lungzswngj:

Lai Cungj Lai Yiengh Minzsuz Angqhoh “Seiq Nyied Bet”

龙胜：多彩民俗欢度“四月八”

5 nyied 3 hauh, Lungzswng Gak Cuz Swciyen Majdiz Yangh gawjbanh “ciet gingq vaiz”, aeu yienghneix ma biujdap gyaehzoh caeuq gingqcungh duzvaiz. Danggoenz Myauz、Yauz、Cuengh daengj minzcuz vunzlai daenj buh moq vaq moq caez comz youq Majdiz Cunh, guh minzcuz ndangdaenj langhyouz, gawjhengz “gingq vaiz” yizsi, eu fwen、bau aen domq daengj minzsuz hozdung, angqhoh ciet conzdungj “seiq nyied bet”.

(Banh Cisiengz/潘志祥)

►Gingq vaiz yizsi.



Dasinh Leizbingz:

Ndaw Suen Makit Bouxndaemmak Nyaengq Lit Mak

大新雷平：果农葡萄园里疏果忙



▲Bouxndaemmak angqwtwt dwk lit mak.

4 nyied 27 hauh, Dasinh Yen Leizbingz Cin Mbanj-cauzyangz bouxndaemmak Luz Siuli nyaengqfoedfoed dwk youq ndaw suen makit bonjfaenh lit mak, guh ndei geiz makit sengmaj guenjeix. Dangqnaj hoh neix 5 moux makit dawz ndaej ndei raixcaix, demsou miz muengh lo.

Ciuq cam rox, gaenh geij bi neix daeuj, aen cin neix youq daihlig fazcanj ndaem oij gij cihcu canjyez neix doengzseiz, cizgiz yinx gyoengq nungzminz yawj dieg dajndaem, hwng fat ndaem makit、byaek、ciengx mou daengj cungj ciengx ndaem “dinj bingz vaiq” neix, demgya nungzminz souhaeuj, gyavaig gyoengqde vutgungz baenzfouq.

(Luz Sezfangh/卢雪芳)